

2014

Relatóriu Institutionál
JSMP Relatório Anuál



EMBASSY OF FINLAND



The Asia Foundation



Canada



Tabela Konteúdu

Kona-ba JSMP.....	2
Organograma	3
Asembleia Jerál.....	4
Konsellu Diretivu/Board JSMP	5
Konsellu Exekutivu	6
Estrutura Ogarnizasional.....	7
Introdusaun husi Diretóri.....	8
Monitorizasaun Tribunál	9
Monitorizaun ba Parlamentu Nasional (PN).....	11
Treinamento	13
Semináriu.....	15
Publikasaun	17
Meiu ba Habelar Informasaun	19
Advokasia	22
Hametin parseria	24
Dezempeñu no Kapasitasaun Pesoál.....	25
Fundu 2014	26
Apoiou Naun-Finanseiru	27
Atividade 2015.....	27
Aneksu	29
Totál Suku no Eskola Sekundáriu ne'ebé JSMP realiza treinamento iha 2014	29

Kona-ba JSMP

VIZAUN:

Sosiadade demokrátiiku ne'ebé garantia
justisa no direitu umanu ba ema hotu

Misaun

JSMP sei servisu ho espíritu kolaborativu hodi promove no proteje demokrasia, lei, justisa no direitu umanu liuhosi:

Monitorizasaun
Edukasaun
Advokasia

Istória

Programa Monitorizasaun Sistema Judisiál (JSMP) estabelese iha 28 Abril 2001 iha Dili, Timor-Leste hodi monitoriza prosesu Tribunál Direitu Umanu Ad Hoc iha Indonézia no Painél Espesiál kona-ba Krime Grave iha Timor- Leste.


Agora daudaun, JSMP eziste hanesan organizasaun la buka lukru ka *not-for-profit* ne'ebé servisu atu hadi'a no haforsa sistema judisiáriu no lejizlativu iha Timor-Leste.

Servisu

JSMP hala'o atividade monitorizasaun ba prosesu julgamentu iha tribunál distritál haat no Tribunál Rekursu, nune'e mós relata dezenvolvimentu iha sistema justisa formál. JSMP mós monitoriza atividade Parlamentu Nasionál nian no komisaun sira, partikularmente Komisaun A. JSMP baibain prodús relatóriu anuál, relatóriu temátiku, atualizasaun justisa, komunikadu imprensa, sumáriu kazu no analiza no hakerek submissaun ba ezbosu lei sira ne'ebé prodús hosi governu no Parlamentu Nasionál rasik.

JSMP mós fornece edukasaun legál ba komunidade sira hanesan parte ida atu hasa'e komunidade nia konxiénsia no kompriensaun kona-ba sistema justisa formál, demokrasia no direitu umanu. JSMP servisu ho komunidade, polísia, grupu feto, autoridade lokál, Konsellu Suku, estudante no jornalista sira atu atinze nia objetivu sira no vizaun.

Organograma



Asembleia Jerál

Presidente:

Zeferino da Costa Bobo

Visepresidente:

Flora Soariano Menezes

Membru:

- | | |
|------------------------------|-------------------------------------|
| 1) Luis de Oliveria Sampaio | 16) Cigio B. da Costa Araujo |
| 2) Casimiro dos Santos | 17) Elvino Sarmento Freitas |
| 3) Nani da Cruz | 18) Eurosia Maria Almeida de Fátima |
| 4) Ana Paula Marçal | 19) Emanuel R. Soriano |
| 5) Jose Moniz | 20) Lidia Borges da Silva |
| 6) Florindo Gusmão Freitas | 21) Mateus Xavier |
| 7) Cristovão da Costa | 22) Paulo Nunes |
| 8) Rita de Jesus Guterres | 23) Deoneia Barreto dos Santos |
| 9) Adolfo Soares | 24) Jose Pereira |
| 10) Francisca da Silva | 25) Manuel Rui da Cunha |
| 11) Osorio Jose da Conceição | 26) Adão da Cruz |
| 12) Helio Tomas da Silva | 26) Agostinho Magno |
| 13) Ingrasia Maia | 27) Luis Soares |
| 14) Filomena Almeida | 28) Jesuinha Manuela Correia |

Konsellu Diretivu/Board JSMP

Prezidente:

Sr. Joaquim da Costa, Asesór Sosiedade Sivil ba PM

Viseprezidente:

Sr. Aniceto Neves, Asesór ba Prezidente Repúblika

Membru sira:

Dr. Ivo Valente, Ministru Justisa

Sr. Jose Neves, Adjuntu Komisáriu CAC

Sra. Eurosia Maria Almeida de Fátima, Peskizadora JSMP

Estrutura Konsellu Diretivu hetan mundansa hosi membru sia (9) ba membru lima (5) tuir aliñeia a) Art. 11.2 Konstituisaun JSMP nian ne'ebé hetan revizaun iha 28 Janeiru 2014. Antes revizaun, número membru Konsellu Diretivu hamutuk 9.

Konsellu Executivo

Prezidente:

Luís de Oliveira Sampaio (Diretor Executivo)

Viseprezidente:

Casimiro dos Santos (Vicediretor)

Membru:

Nani da Cruz (Koordenadór Finansa)

Ana Paula Marçal (Koordenadór LRU)

Flora Soriano Menezes (Koordenadór WCJU)

Jose Moniz (Koordenadór Outreach)

Zeferino da Costa Bobo (Koordenadór POP)

Deoneia Barreto dos Santos (Sekretariadu/Admin)

Florindo Gusmão Freitas (Koordenadór Lojístiku)

Estrutura Ogarnizasional

Diretor: Luis de Oliveira Sampaio

Visediretor: Casimiro dos Santos

Unidade Peskiza Legál (LRU)	Unidade Justisa ba Feto no Labarik (WCJU)	Unidade Relasaun Pública (Outreach)	Unidade Programa Observasaun Parlamentu (POP)
<p>Koordenadór: Ana Paula Marçal</p> <p>Peskizadór Legál:</p> <ul style="list-style-type: none"> • Cristovão da Costa • Cigio B. da Costa Araujo • Elvino Sarmento Freitas • Paulo Nunes <p>Ofisiál Bazedadus: Filomena de Almeida</p> <p>Asesór Internasionál:</p> <ul style="list-style-type: none"> • Sophie Knipe • Ellen Tilbury 	<p>Koordenadór: Flora Soriano Menezes</p> <p>Peskizadór Legál:</p> <ul style="list-style-type: none"> • Osorio Jose da Conceção • Adolfo Soares • Rita de Jesus Guterres • Helio Tomás da Silva <p>Ofisiál Relasaun Públiku: Francisca da Silva</p>	<p>Koordenadór: Jose Moniz</p> <p>Ofisiál Mídia:</p> <ul style="list-style-type: none"> • Emanuel R. Soriano • Lidia Borges da Silva 	<p>Koordenadór: Zeferino da Costa Bobo</p> <p>Peskizadór Legál</p> <ul style="list-style-type: none"> • Mateus Xavier • Eurosia de Almeida • Jose Pereira

Unidade Finansa	Sekretariadu/Admin	Unidade Lojistika
<p>Koordenadór: Nani da Cruz</p> <p>Ofisiál Finansa: Ingrasia Maia</p>	Deoneia Barreto dos Santos	<p>Koordenadór: Florindo Gusmão Freitas</p> <p>Kondutório:</p> <ul style="list-style-type: none"> • Manuel Rui da Cunha • Adão da Cruz <p>Ofisiál Seguransa</p> <ul style="list-style-type: none"> * Agostinho Magno * Luís Soares <p>Ofisiál Servisu Doméstiku: Jesuinha Manuela Correia</p>

Introdusaun husi Diretóri



JSMP konsidera tinan 2014 nu'udar tinan ida ne'ebé produtivu liu kompara ho tinan sira seluk. Iha tinan ne'e, JSMP konsege monitoriza kazu 977 iha tribunál 4, monitoriza reuniaun Plenaria 45 no enkontru Komisaun A PN 20, halo treinamentu iha suku no eskola sekundária dala 31, prodús publikasaun 314, organiza semináriu nasionál no internasional 7, no mós atividade sira seluk tan. Ne'eduni ho orgullu no satisfeitu JSMP fó sai ba público rezultadu servisu ne'ebé hetan iha 2014 ne'e.

Rezultadu servisu sira ne'e hanesan mós ho sira ne'ebé relata ona iha relatório sira iha tinan hirak liuba, nu'udar rezultadu implementasaun programa sira ne'ebé realiza liuhosi unidade prinsipál haat instituisaun nian. Unidade sira ne'e mak hanesan Unidade Peskiza Legál (LRU), Unidade Justisa ba Feto no Labarik (WCJU), Unidade Relasaun Públiku/Outreach no Unidade Programa Observasaun Parlamentu (POP).

Implementasaun ba programa sira 2014 nian, JSMP hetan apoiu diretamente hosi doadór internasional lubuk ida ne'ebé iha komitmentu ba dezenvolvimentu demokrasia no sistema justisa iha Timor-Leste. Doadór sira ne'e mak hanesan Embaixada Finlandia, Counterpart International, TAF-AusAid, Embaixada Norwega, UNDEF no Embaixada Norwega-Bolsu Estudu. Totál orsamentu hamutuk USD **\$608,089.65** no totál despeza hamutuk USD **\$542,963.75**.

JSMP iha 2014, kontinua fornese informasaun ba público kona-ba sistema justisa formál no prosesu lejizlativu iha Timor-Leste liuhosi meiu habelar informasaun sira mak hanesan programa rádiu, programa televizaun, komunikadu imprensa no artigu ba jornál, website, Facebook, Twiter no lista mail JSMP nian.

JSMP nafatin iha kompromisu atu implementa atividade sira hotu iha parte monitorizasaun ba tribunál no parlamentu, edukasaun legál ba comunidade no advokasia atu atinze nia vizaun ba sosiedade demokrátiku ida ne'ebé garante justisa no direitu umanu ba ema hotu. JSMP mós nafatin kompromeete hodi hadi'a impaktu husi atividade hirak ne'e iha futuru. Iha 2015, JSMP sei kontinua foka ba hasa'e no konsolida kapasidade internál, hadi'a kualidade materiál ba público no hametin relasaun ho parseria lokál no internasional sira. Esforsu hirak ne'e presiza kontinua apoiu husi parceria sira, partikularmente doadór sira. JSMP espera katak ho sira nia apoiu, JSMP bele kontinua nia servisu iha futuru ho rezultadu no progresu ne'ebé di'ak no boot liu tan.

Dili,...../...../2015

Luis de Oliveira Sampaio

Diretor Executivo

Monitorizasaun Tribunál




Legál (LRU) monitoriza ba tipu kazu hotu-hotu no (WCJU) monitoriza espesifikamente ba kazu sira ne'ebé relasiona ho violénsia bazeia ba jéneru no violénsia hasoru labarik.

JSMP estabelese ona edifisiu filiál iha distritu Baukau, Covalima no Oecusse hodi bele halo monitorizasaun ho efetivu ba tribunál distritál sira. JSMP mós koloka ona pesoál ida iha kada tribunal distritál tolu ne'e hodi halo monitorizasaun regulár ba atividade julgamentu sira. Aleinde ne'e, JSMP mós liuhosi nia pesoál sira ne'ebé destakadu iha distritu ne'e halo mós monitorizasaun ba tribunal móvel ne'ebé hala'o to'o iha sub-distritu no suku.


Iha tinan 2014, JSMP monitoriza kazu totál hamutuk 977 ne'ebé kompostu hosi kazu krime 951 no kazu civil 26. Númeru kazu ne'ebé JSMP monitoriza iha 2014 aumenta 91.7% ka aumenta kazu 481 kompara ho 2013 nian.

Gráfiku 1



Hosi total kazu ne'e, númeru kazu ho natureza violénsia doméstika (VD) mak konstitui númeru aas tebes iha 2014 ne'ebé konstitui 49% hosi total kazu. Iha 2013, kazu ho natureza VD konstitui 46% hosi totál kazu.


Grafiku 2



Variasaun kazu VD ne'e hatudu mós hosi parte ida susesu sosializasaun no treinamento ne'ebé JSMP halo kona-ba Lei Kontra Violénsia Doméstika iha suku no eskola sira iha tinan hirak nia laran ona. Públiku sira mós iha ona konsiénsia katak violénsia doméstika ne'e krime públiku ida ne'ebé tenke prosesu tuir sistema justisa formál. Kazu sira seluk hanesan kazu tentativa no abuzu ba menór no kazu korrupsaun mós aumenta tan iha 2014.

Tuir totál kazu sivíl ne'ebé JSMP monitoriza, iha 2013 número kazu sivíl sira ne'ebé konstitui número aas liu mak kazu podér paternál no disputa rai no iha 2014 kazu alimentasaun ba oan no disputa rai.

Gráfiku 3



Kazu sivíl ne'ebé JSMP konsege monitoriza aumenta hosi 2012 to'o 2014. Iha 2012 JSMP monitoriza kazu 9, iha 2013 iha kazu 15 no 2014 iha kazu 26.

Monitorizaun ba Parlamentu Nasionál (PN)

Iha 2014, JSMP nafatin halo monitorizasaun ba PN ne'ebé responsabiliza hosi Unidade Programa Observasaun Parlamentu (POP).




Monitorizasaun ne'e hanesan ho tinan sira liuba, hala'o ba Plenaria, enkontru Komisaun A no atividade fiskalizasaun deputadu sira nian iha distritu.

Totál número sesaun plenaria ne'ebé JSMP monitoriza hamutuk 45, enkontru Komisaun A nian hamutuk 20.

Liuhosí monitorizasaun ba plenaria, JSMP rejista katak PN liuhosi sesaun plenaria aprova lei hamutuk 4 no rezolusaun 16.


Produtividade PN nian tun hahú hosi 2011 to'o 2014.

Gráfiku 4



Totál número rezolusaun ne'ebé PN aprova iha 2014 hamutuk 16. Entre 2011 to'o 2014 rezolusaun sira ne'ebé PN prodús la dun iha variasaun boot.

Gráfiku 5




Hahú hosi 2008 to'o 2013 iha projetu no proposta lei 10 mak tama iha meja PN no to'o agora la iha ida mak hetan ona aprovasaun. Entre projetu no proposta lei sira ne'e iha balun ne'ebé importante tebes ne'ebé PN tuir loloos tau iha prioriedade iha tinan sira tuir mai, partikularmente iha 2014. Projeto no proposta lei sira ne'e mak hanesan Projeto Lei Anti-Korrupsaun, Projeto Lei kona-ba Harii Institutu Publiku ba Memória, Projeto Lei kona-ba Programa Nasionál ba Reparasaun, Proposta Lei kona-ba Rejime Espesiál ba Definisaun Titularidade ba Sasán Imóvel, Proposta Lei kona-ba Espropriasaun no Fundu Imobiliáriu.

JSMP mós halo monitorizasaun ba prezensa diária deputadu sira nian, partikularmente iha Plenaria. Tuir JSMP nia observasaun, prezensa deputadu sira nian fó impaktu boot ba produtividade servisu parlamentu nian. Funzionamentu Plenaria hodi halo diskusaun no foti desizaun ruma sei depende ba “Kuorum/Quorum” ka número deputadu ne'ebé marka prezensa. Bainhira iha asuntu político ka lejizlativu importante ruma ne'ebé parlamentu presiza diskute no foti desizaun presiza prienze Kuorum, se deputadu número deputadu ne'ebé prezensa la prienze mak Plenaria sei adia. Situasaun hanesan ne'e fó impaktu maka'as ba produtividade parlamentu nian.

Gráfiku tuir mai ne'e hatudu porsentajen prezensa Bankada Parlamentár sira nian iha sesaun plenaria iha 2014 nian tuir rezultadu monitorizasaun JSMP nian.

Gráfiku 6

**Atendénsia médiu kada partidu iha plenáriu -
Janeiru to'o Dezembru 2014**



Treinamentu

JSMP iha 2014 halo treinamentu iha suku 31 iha distritu 11 ho totál partisipante 940, partisipante mane hamutuk 423 no feto hamutuk 517. Distritu sira ne'ebé JSMP hala'o treinamentu ba mak distritu Aileu, Ainaro, Baucau, Bobonaro, Covalima, Ermera, Lautem, Liquisa, Manatuto, Oecusse, Manufahi no Viqueque. Tabela tuir mai sei hatudu ho detallu kona-ba suku, sub-distritu no distritu ne'ebé JSMP halo ona treinamentu.

Lista kompletu kona-ba Suku no Distritu ne'ebé JSMP halo treinamentu iha 2014 bele haree iha Aneksu.

Treinamentu ne'ebé JSMP hala'o ne'e foka liu ba grupu tolu iha sosiedade nia let. Grupu sira ne'e mak líder komunitáriu no membru Konsellu Suku, membru komunidade feto no estudante eskola sekundária sira.



informasaun ne'ebé hetan iha treinamento ne'e ba iha komunidade. JSMP alvu partikularmente ba membru komunidade feto ho intensaun atu hasa'e koñesimentu feto nian kona-ba direitu sira feto nian no kona-ba oinsa sira bele asisténsia iha kazu violénsia doméstika no abuzu ka violasaun seksuál.

Treinamento sira ne'e nafatin responsabiliza hosi unidade haat JSMP nian. Unidade Peskiza Legál (LRU) no Unidade Relasaun Públiku (Outreach) fó treinamento kona-ba sistema justisa formál no asesu ba justisa. Treinamento ne'e hala'o ba lideransa no membru komunidade sira iha suku no mós estudante eskola sekundária sira. Unidade Justisa ba Feto no Labarik (WCJU) fó treinamento ba membru komunidade feto sira kona-ba feto sira nia direitu no oinsa atu hetan asisténsia bainhira hetan violasaun seksuál ka violénsia doméstika, inklui



Kódigu Penál. Unidade Programa Observasaun Parlamentu (POP) fó treinamento ba lideransa no membru komunidade suku kona-ba demokrasia no partisipasaun públiku iha prosesu halo lei.


Objetivu prinsipál hosi treinamento sira ne'e mak hasa'e koñesimentu participante sira kona-ba:



- asuntu legál no asesu ba justisa formál;
- demokrasia no partisipasaun públiku iha prosesu halo lei;
- lei kontra violénsia doméstika no violénsia bazeia ba jéneru.

Alvu prinsipál sira mak líder komunitáriu sira no membru Konsellu Suku (KS), reprezentante joven feto no mane, estudante sekundáriu no universitáriu, mídia lokál, membru PNTL, pontu fokál distritál no NGO lokál sira.

Distritu sira ne'ebé JSMP halo treinamento ba mak Ainaro, Baukau, Bobonaro, Covalima, Ermera, Lautem, Liquisa, Manatuto, Manufahi, Oecusse no Viqueque. Informasaun detallu kona-ba treinamento ne'e deskreve ho detallu iha mapa treinamento iha kraik ne'e.



Semináriu

JSMP iha 2014 organiza semináriu hamutuk 7 ne'ebé kompostu hosi semináriu distritál 2 no nacionál 5.

Semináriu distritál rua hala'o iha hala'o iha 4 Maiu 2014 iha eskola Sekundária Pública Nú. 1 Lautem iha distritu Lautem no iha 18 Setembru 2014 iha eskola Sekundária Pública Baqui, distritu Oecusse ba estudante feto sira. Totál partisipante hosi eskola 2 ne'e hamutuk feto na'in 40.

Objetiviu mak hasa'e koñesimentu estudante feto sira nian kona-ba sistema legál iha Timor-Leste no Lei Kontra Violénsia Doméstika no papel autór judisiáriu sira mak hanesan juís, prokuradór, defensór públiku no advogadu. Aleinde ne'e atu enkoraja estudante sira bainhira remata sira nia estudu iha eskola sekundári bele ba estuda iha fakuldade Direitu iha Universidade sira.

Semináriu nacionál sira ho nia tópiku hanesan tuir mai ne'e:

“Demokrasia no Partisipasaun Públiku iha Prosesu halo Lei”



Semináriu ne'e hala'o iha Delta Nova, Dili iha 20 Fevereiru 2014. Totál partisipante hamutuk 88 ne'ebé konstitui hosi feto 34 no mane 54. Partisipante sira iha semináriu sira ne'e, aleinde mai hosi líder komunitáriu no membru Konsellu Suku iha Dili laran, mai mós hosi suku sira ne'ebé JSMP hala'o treinamentu ba.

“Komitemento no Produtividade Parlamentu Nasionál”

Semináriu ne'e hala'o iha Delta Nova, Dili iha 17 Outubru 2014. Totál partisipante hamutuk 100 ne'ebé kompostu hosi feto 30 no mane 70. Partisipante sira iha semináriu sira ne'e, aleinde mai hosi líder komunitáriu no membru Konsellu Suku iha Dili laran, mai mós hosi suku sira ne'ebé JSMP hala'o treinamentu ba. Oradór sira ne'ebé reprezenta Parlamentu iha semináriu rua ne'e mak Visepresidente Parlamentu Nasionál rua, Aderito Hugo da Costa no

Adriano do Nascimento no Prezidente Komisaun A Parlamentu Nasional, Carmelita Caitano Moniz.

Objetivu hosi semináriu rua dahuluk ne'e mak atu liuhosi semináriu sira ne'e, público bele hatene komitmentu membru parlamentu sira liu-liu oinsa atu hadi'a no promove transparénsia, akontabilidade no kualidade servisu iha Parlamentu Nasional no promove partisipasaun público iha prosesu formulausaun lei no política. Aleinde ne'e, atu fasilita komunikassaun entre membru parlamentu ho sidadaun sira, liuliu lidér lokál hodi hato'o kona-ba povu nia hanoin, preokupasaun, krítiku no atu hetan resposta hosi sira nia reprezentante ne'ebé sira hili no tuur iha parlamentu nasional atu halo lei no foti desizaun politika tuir interese ema hotu nian.

“Asesu ba Justisa”



Semináriu ne'e hala'o iha Delta Nova, Dili iha 23 Abril 2014 ne'ebé hetan partisipasaun hosi autór tribunál, akadémiku, membru PN, reprezentante hosi Ministériu Justisa no sosiedade sivil. Totál partisipante hamutuk ema na'in 148 ne'ebé kompostu hosi feto 55 no mane 93.

Objetivu hosi semináriu ida ne'e mak atu fasilita kontaktu direta público nian ho autór tribunál sira hodi rona diretamente kona-ba oinsa bele asesu ba sistema justisa formál.

“Efetividade no Kualidade iha Funsau Sistema Justisa Formál”

Semináriu ne'e hala'o iha Delta Nova, iha 12 Setembru 2014. Oradór sira ba semináriu ne'e mak Prezidente Tribunál Rekursu, Adjuntu Prokuradoria Jerál, Koordenadór Jerál Defensoria Pública, Komandate Investigasaun PNTL, ALFeLa ne'ebé reprezenta sosiedade sivil no reprezentante hosi vitima violénsia doméstika. Totál partisipante ba semináriu ne'e hamutuk 177 ne'ebé kompostu hosi feto 62 no mane 116.

Objetivu hosi semináriu ida ne'e nian mak atu fasilita público bele rona diretamente, halo avaliaasaun no foti kestaun kona-ba efetividade no kualidade sistema justisa formál, liu-liu vítima sira violénsia doméstika nian ne'ebé hasoru ona sistema justisa formál.

“Mekanizmu Kontrolu ba Suspensaun Pena Prizaun ba Kazu Violénsia Doméstika”

Semináriu ida ne'e hala'o Delta Nova, Dili iha 31 Jullu 2014. Oradór sira ba semináriu ne'e mak Dra. Ivonia Guterres hosi Prokuradoria Jerál, Dr. Sergio Hornai hosi Defensoria Pública, Dra. Merita Correia, Diretora ALFeLa no Lino de Jesus Torreszaun, Diretor DNDKAS hosi Ministériu Estatal. Totál partisipante hamutuk ema na'in 80 ne'ebé mai hosi líder

komunitáriu no membru Konsellu Suku (KS), autór judisiáriu, estudante unversitáriu no reprezentante hosi sosiedade sivil.

Objetivu hosi semináriu atu oinsa parte kompetente, relevante no interesadu hotu sira bele tau hamutuk hanoin atu dezenvolve mekaznimu kontrolu ba suspensaun pena prizaun ba kazu violénsia doméstika, nune'e bele iha kontrolu ne'ebé di'ak no efetivu.



Publikasaun

JSMP tinan-tinan sempre halo publikasaun ba ninia rezultadu servisu sira públiku hodi promove transparénsia no efetividade servisu instituisaun judisiáriu, asesu justisa ba ema hotu no prosesu lejizlativu ne'ebé partisipativu no refleta realidade no inspirasaun povu tomak nian.

Publikasaun sira iha 2014 nian kompostu hosi relatório institucionál, relatório temátiku, observasaun setór Justisa, relatório ANNI, submisaun, sumáriu kazu, artigu ba jornál, buletin, broxura no komunikadu imprensa. Totál número publikasaun hamutuk 314.

Relatório Institucionál 2013

Relatório institucionál nu'udar relatório anuál ida ne'ebé relata kona-ba progresu ne'ebé instituisaun hetan iha tinan ida nia laran. Relatório Institucionál 2013 nian kontein rezultadu no progresu servisu ne'ebé hetan iha 2013 nian.

Relatório Temátiku

Iha 2014, JSMP prodús relatório temátiku tolu (3) de'it. Relatório tolu (3) ne'e mak: Asesu ba Justisa iha Timor-Leste: Ben-estar Autór Judisiáriu no Kapasidade Instituisaun Legál sira nian, Demisaun ba Ofisiál no Asesór Internasional sira iha Setór Judisiáriu Timor-Leste no Labarik sira nia Asesu ba Justisa Formál iha Timor-Leste.

Observasaun Setór Justisa (OJS) 2013



OJS ne'e nu'udar relatório anuál ida ne'e kontein informasaun no asuntu hotu-hotu ne'ebé ligadu ba sistema judisiáriu no prosesu lejizlativu. Iha relatório ne'e, JSMP mós hato'o rekomendasau balun ba instituisaun judisiáriu no instituisaun relevante sira seluk

atu bele hadi'a prosesu lejizlativu, hadi'a no prodús lei ne'ebé justu no demokrátiku no reforsa implementasaun lei atu bele asegura no proteje hodi di'ak sidadaun sira nia direitu umanu.

Relatóriu ANNI

JSMP nu'udar membru úniku no ativu ANNI nian hosi Timor-Leste iha devér hosi hakerek relatório anuál ida kona-ba situasaun direitu umanu iha Timor-Leste no servisu Provedoria Direitu Umanu no Justisa (PDHJ) nian.

ANNI nu'udar rede ONG iha Ázia ne'ebé tau matan ba instituisaun direitu umanu sira iha rejaun Aziátku ne'ebé Forum-Azia mak fasilita.

Sumáriu kazu

Sumáriu kazu nu'udar relatório mensál ida ne'ebé summariza rezultadu monitorizasaun iha tribunál nian. Iha 2014, JSMP prodús sumáriu kazu hamututk 40 ne'ebé mai hosi tribunál distritál haat.

Artigu ba Jornál

JSMP iha 2014 nafatin halo kontratu ho jornál Timor Post no Diáriu Nasionál hodi publika semanalmente informasaun no atividade JSMP nian. Totál número artigu ne'ebé publika iha jornál rua ne'e hamutuk 101.

Buletin

Aleinde publikasaun sira seluk, JSMP mós prodús buletin kada tinan. Totál buletin ne'ebé prodús iha 2014 hamutuk 6. Buletin ne'e nu'udar kompilasaun hosi komunikadu imprensa no atividade sira JSMP nian ne'ebé hala'o iha 2014. Kopia hosi buletin ne'e distribui ba tribunál sira, Ministériu Públiku, Defensoria Públika, Parlamentu Nasionál, Universidade sira, Diocese sira (Dili, Baucau no Maliana) no Farmasia sira.

Broxura

JSMP iha 2014 prodús broxura ida ho kópia hamutuk 2000 no distribui hotu ba kumunidade, estudante no instituisaun relevante sira Estadu nian. Broxura ne'e nia konteúdo konstitui informasaun kona-ba JSMP rasik no mós partikularmente knaar instituisaun sira setór justisa nian mak hanesan Tribunál, Ministériu Públiku (MP), Defensoria Públiku no Advogadu Privadu.

Submisaun

JSMP normalmente prodús submisaun balun ligadu ho ezbosu lei ruma ne'ebé prodús hosi Governu nu'udar proposta lei ka hosi Parlamentu Nasionál hanesan projetu lei. JSMP halo submisaun ne'e atu asegura katak lei sira ne'ebé prodús ne'e refleta ho di'ak interesse no realidade povu tomak nian.

Iha 2014, JSMP prodús submisaun hamutuk haat (6). Submisaun tolu (3) JSMP hatama ba Ministériu Justisa kona-ba ezbosu Pakote Lei ba Rai ne'ebé prodús hosi governu, ezbosu Lei Tráfiku Umanu no Kódigu Rejistru Sivil. Submisaun tolu (3) JSMP hatama ba Parlamentu.

Submisaun sira ne'ebé hatama ba Parlamentu ne'e mak kona-ba Lei Mídia, Lei kona-ba estabelesimentu Polisia Investigasaun Kriminál no Lei Kódigu Penál ne'ebé dezenvolve hamutuk ho AlFeLa, partikularmente halo indentifikasiun ba artigu balun ne'ebé ligadu ho feto no labarik atu lei ne'e bele proteje sira ho di'ak.

Komunikadu Imprensa

JSMP mós publika komunikadu imprensa hamutuk 157 iha tinan 2014 hodi informa ba públiku kona-ba asuntu legál, atividade iha Parlamentu Nasional, informasaun kona-ba treinamento no asuntu sira seluk kona-ba justisa no direitu umanu.


Meiu ba Habelar Informasaun

Rádiu

JSMP konsidera rádiu nu'udar meiu komunikasaun ida ne'ebé eficiente no efetivu liuhosi habelar informasaun ba públiku tanba povu barak mak utiliza rádiu hodi asesu ba informasaun. Iha 2014, JSMP prodús programa rádiu 5. Programa rádiu sira ne'e mak hanesan Asesu ba Justisa formál, Papel no responsabilidade autór judisiáriu sira, inklui Polisia Investigasaun Kriminál, Prizaun, Dalan atu Asesu ba Justisa Formál (programa ne'e haree liu ba direitu familia iha jerál ne'ebé iha ligasaun ho Kódigu Sivil) no Kualidade no Efetividade iha Funzionamentu Sistema Justisa Formál.

Programa rádiu hirak ne'e, JSMP distribui ba rádiu komunidade sira iha distritu Aileu, Ainaro, Baucau, Covalima, Ermera, Lautem, Likisa, Maliana, Manatutu, Manufahi, Oecusse, Viqueque no Dili. JSMP mós halo avaliaun ba nia programa rádiu ne'e ba distritu Aileu, Baucau, Lautem, Likisa, Bobonaro/Maliana no Manatutu ho rezultadu hanesan iha gráfiku tuir mai ne'e:

Gráfiku 7




Televizaun

Televizaun mós sai nu'udar meiu habelar informasaun importante ne'ebé JSMP mós uza hodi habelar nia informasaun. Iha 2013, JSMP halo programa televizaun tolu kona-ba protesaun direitu feto no asesu sistema justisa formál ne'ebé fó sai liuhosi RTTL.

Hanesan mós ho programa rádiu, JSMP halo avaliaasaun ba nia programa TV ne'e ba distritu Aileu, Baucau, Lautem, Likisa, Bobonaro/Maliana no Manatutu ho rezultadu hanesan iha gráfiku tuir mai ne'e:

Gráfiku 8



Konferénsia Imprensa



JSMP mós liuhosi RTTL iha 30 Outubru 2014 konvoka konferénsia imprensa ida kona-ba rezolusaun Parlamentu Nasionál Nú. 11/2014 ne'ebé 24 Outubru ho intensaun atu halo auditoria ba setór justisa. JSMP konvoka Konferénsia Imprensa ne'e hodi hatur nia posizasaun no konsidera katak rezolusaun ne'ebé parlamentu hasai ne'e liu ona hosi limite kompeténsia konstitusionál parlamentu nian. Nune'e mós konsidera rezolusaun ne'e konstitui ona interferénsia ba setór judisiária no viola ona prinsípiu separasaun podér iha sistema demokrátiku.

Jornál


JSMP iha tinan 2014 kontinua estabelese akordu ka Nota Intendimentu (MoU) ida ho Jornál Diáriu Nasionál no Timor Post ne'ebé hahú iha 2013 hodi publika semanalmente informasaun sira JSMP nian iha jornál rua ne'e. Objetivu mak atu hodi habelar informasaun kona-ba programa no atividade JSMP nian iha tau matan ba sistema judisiáriu no servisu Parlamentu Nasionál nian.

Pájina Web/Internet

Publikasaun hotu-hotu bele asesu liuhosi asesu *online* iha pájina JSMP nian: www.jsmp.tl Komunikadu imprensa mós sirkula liuhosi JSMP nia lista e-mail nomós fahe versaun Inglés ba iha pájina *East Timor and Indonesian Network* (ETAN): www.etan.org ne'ebé atualiza notisia no eventu loron-loron iha Timor-Leste. JSMP mós publika informasaun sira ne'e liuhosi facebook www.facebook.com/timorleste.jsmp no Twitter.

Iha 2014, totál número vizitante ne'ebé haree JSMP nia *website* másimu ema 4,363. Vizitante foun konstitui 46.6% no vizitante tuan sira ne'ebé mai vizita fali konstitui 53.4%. Bainhira haree hosi nasaun, vizitante barak liu hosi Timor-Leste ne'ebé konstitui 47.7%, tuir kedas ho Austrália ho 9.19% no Indonézia ho 7.99%. Vizitante hosi nasaun sira seluk mak hanesan Brazil, Estadus Unidus, Portugál, Reinu Unidu, Olanda no Tailândia. Informasaun kompletu bele haree iha google analítiku iha kraik ne'e.

Rezultadu Google Analítiku hosi 1 Jan– 31 Dezembru 2014



Advokasia

Iha 2014, JSMP nafatin kontinua halo advokasia ho instituisaun no individu relevante sira Estadu nian hodi husu sira nia hanoin, haree no asaun kona-ba asuntu sira ne'ebé mak ligadu ba interese nasional. Aleinde ne'e, JSMP mós partisipa ativamente iha atividade advokasia ba krime pasadu liuhosi partisipa iha eventu ne'ebé liga ho invazaun Indonézia nian no masakre sira ne'ebé militár Indonéziu halo durante okupasaun tinan 24 nia laran.

Rezolusaun Parlamentu & Governu

Relasiona ho asuntu ne'e, JSMP iha 18 Novembru 2014 marka audiénsia ho Prezidente Tribunál Rekursu, Dr. Guelhermino da Silva hodi diskute no bele hetan idea ruma ka pozisaun Tribunal Rekursu kona-ba rezolusaun Parlamentu Nasional Nú 11/2014 no Rezulusaun Governu Nú 29/2014 ne'ebé publika iha 24 Outubru 2014.



Aliende ne'e, iha loron hanesan JSMP halo mos audiénsia ho Provedór Direitu Umanu no Justisa,

Dr. Silveiro Pinto Baptista hodi diskute no rona PDHJ nia pozisaun kona-ba rezulsaun refere. JSMP mós enkoraza PDHJ atu uza nia kompeténsia konstitusionál hodi bele halo intervensaun ba rezulsaun ne'ebé Parlamentu no Governu fo sai hodi atu halo auditoria iha setór justisa no haruka juís no asesór internasional sira atu husik Timor-Leste.



Komemorasan 7 Dezembru: loron invazaun

Iha 7 fulan Dezembru 2014, ANTI hamutuk ho família vítima sira komemora loron invazaun ne'ebé konsidera hanesan inísiu ba violasaun direitu umanu iha Timor Leste. Iha komemorasaun ne'e partisipa mós Prezidente Veteranu no Kombatente Distritu Dili nian, no Reprezentante husi Governu.



Enkontru ho Xefe Bankada Sira (Fretilin, CNRT, PD no Frente Mudansa

Iha Setembru 2014 nia laran JSMP halo audiénsia ho xefe bankada sira mak hanesan Xefe Bankada Fretilin, CNRT, Partidu Demokrátiku (PD) no Frente Mudansa (FM). Enkontru ne'e halo objetivu atu diskute no fó hanoin ba xefe bankada ida-idak kona-ba kestaun Indultu, ne'ebé depoisde Prezidente Taur Matan Ruak uza ninia podér konstitusionál hodi fó indultu ba Eis Ministra Justisa Lusia Lobato ne'ebé kondenadu ba krime korrupsaun no ba katuas ida ne'ebé kondenadu ba krime abuzu seksuál ho natureza inestru. Iha ema barak, inklui Parlamentu rasik kestiona kona-ba Indultu ne'ebé Prezidente fó. Maibé JSMP mai ho hanoin

ida katak Parlamentu Nasional iha kompeténsia tomak hodi hamosu Lei ida kona-ba Indultu hodi nune'e bele limita ka hamenus kompeténsia balun ne'ebé Prezidente Repúblika iha. Tanba JSMP hatene agora dadaun Governu liuhusi Ministériu Justisa (MJ) halo hela prosesu konsultasaun ba Lei ne'e.

Komemorasaun Masakre Liquica 4 Abril 2014



nia vida ba rai Timor ne'e.

ANTI hamutuk ho familia vítima iha 4 Abril 2014 komemora masakre Liquica hodi halo deklarasaun hamutuk iha Salaun enkontru Asosiasiun HAK. Iha deklarasaun ne'e ANTI ejize ba Estadu Timor-Leste no Indonézia hodi buka tuir sira ne'ebé to'o agora la dauk hatene sira nia paradeiru. Aliende ne'e, sira mós husu Estadu Timor-Leste mós komemora Masakre ne'e hanesan Loron Nasional hodi valoriza sira ne'ebé fó ona sira



Komemorasaun Loron Internasional ba Suporta Vítima Tortura

ANTI mós hamutuk familia vítima no sobreviente sira, iha 26 Juñu 2014 komemora Loron Internasional ba suporta vitima Tortura ho Tema "**Mai hametin Komprimentu Obrigasaun Estadu ba Tratadu Internasional kona-ba Kontra Tortura**". Iha komemorasaun ne'e vítima sira ne'ebé iha tempu okupasaun Indonézia nian fahe sira nia esperiénsia kona-ba violénsia no modelu tortura ne'ebé sira hasoru.

Iha Komemorasaun ne'e mós família vítima sira husu ba estadu kumpri sira nia obrigasaun hodi implementa tratadu internasional ne'ebé Estadu adopta ona. Hodi nune'e iha futuru atu la iha tan violénsia, tortura no tratamentu ne'ebé la di'ak ne'e akontese fila iha jerasaun sira tuir mai.



Kolaborasaun ho Grupu Servisu (Working Group)

JSMP, liuhosi WCJU kontinua ativamente involve iha rede nasional justisa ba feto iha 2014. JSMP koñesidu nu'udar ONG lokál ne'ebé lidera no vokál tebes ba asuntu justisa no direitu umanu hodi nafatin ko'alia no luta ba justisa feto no labarik sira iha Timor-Leste.

Advokasia JSMP nian iha parte ida ne'e mak fokus ba oinsa bele halo alterasaun ba Kódigu Penál kona-ba insestu no abuzu seksuál ba menór no mós kona-ba dezenvolvimentu lei juvenile, inklui enkuadramentu legal relevante sira seluk ne'ebé JSMP ativamente fó nia kontribuisaun mak hanesan ezbosu Lei Munisípiu, Kódigu Rejistru Sivil, nsst.

Hametin parseria

Parseria Nível Rejionál

Reuniaun ANNI Taiwan, Xina



umanu iha ne'ebá, daruak mak atu diskute no estabelese ajenda advokasia ba 2014 nian, datoluk mak haree no diskute kona-ba Prinsípiu Belgrade nian kona-ba kooperasaun no kolaborasaun entre Parlamentu no instituisaun direitu umanu sira no ikus liu mak halo treinamento kona-ba hakerek relatoriu anual ANNI nian. JSMP mós partisipa ativu iha diskusaun sira.

JSMP mós partisipa iha enkontru rejionál ANNI nian no mós diálogu entre ANNI no Konsellu Forum APF (Asia Pacific Forum) ne'ebé hala'o iha Nova Delhi hosi 1-3 Setembru 2014. Iha enkontru rejionál ANNI nian iha 1-2 Setembru, Sekretariadu ANNI konvida Provedor Afeganistaun, Provedor Bangladesh, Eis-Komisáriu Direitu Umanu Nepal, Eis-Komisária no Komisáriu Direitu Umanu India nian hodi mai halo apresentasaun kona-ba sira servisu no esperiénsia iha asuntu direitu umanu no justisa iha sira idak-idak nia rain.

Iha diálogu entre ANNI no Forum Konsellu APF nian, ANNI prepara no apresenta nia hanoin no rekomendasau lubuk ida ba Forum Konsellu APF nian. Rekomendasau sira ne'e balun mai hosi nasaun sira ne'ebé iha ona instituisaun direitu umanu no balun hosi nasaun sira ne'ebé seidauk iha instituisaun direitu umanu. Ba nasaun sira ne'ebé iha ona instituisaun direitu umanu no seidauk iha kapasidade atu hala'o sira nia knaar ho di'ak, ANNI rekomenda atu APF fó apoiu iha termu kapasitasau nian, ba instituisaun direitu umanu ne'ebé iha krize nia laran, ANNI rekomenda atu APF bele fó apoiu ne'ebé nesesáriu no ba nasaun sira ne'ebé seidauk iha instituisaun direitu umanu, ANNI rekomenda atu APF apoiu ONG lokál sira iha parte advokasia nian atu bele influénsia Estadu ka Governu hodi estabelese instituisaun direitu umanu ne'e.

Aleinde ANNI nian, JSMP mós partisipa iha Fórum Defensór Direitu Umanu ne'ebé hala'o iha Filipina hosi 3-6 Dezembru 2014. Iha forum ne'e, reprezentante sira hosi kada nasaun apresenta kona-ba situasaun defensór direitu umanu iha nasaun idak-idak no dezafiu sira ne'ebé hasoru. Iha forum ne'e, hanoin

JSMP iha 2014 kontinua partisipa iha enkontru rejionál dahitu ANNI (Asian NGOs Network on National Human Rights Institutions) ne'ebé realiza iha Taipei, Taiwan-Xina iha 22-23 April 2014. Objetivu hosi enkontru ida ne'e mak; dahuluk atu halo advokasia no fó apoiu Asosiasaun Direitu Umanu Taiwan (TAHR) kona-ba estabelesimentu instituisaun direitu



JSMP nian kona-ba independénsia judisiária inklui iha deklarasaun hodi rekoñese katak falta independénsia judisiária bele fó ameasa ba defensór direitu umanu sira bainhira sira ba hasoru sistema justisa formal.

Dezempeñu no Kapasitasaun Pesoál

JSMP iha 2014 nafatin kontinua apoiu ba pesoál sira atu hasa'e sira nia kapasidade iha área sira ne'ebé relasiona ho servisu instituisaun nian. Kapasitasaun ne'ebé JSMP fó apoiu iha 2014 iha area linguística no advokasia.

Maioria hosi pesoál sira nia koñesimentu iha dalen Inglés no Portugés limitadu tebes. Aleinde Tetun, dalen Inglés no Portugés nu'udar meiu importante ne'ebé utiliza iha nia servisu diáriu, partikularmente liga ho dokumentu sira. Ne'eduni, bazeia ba pedidu hosi pesoál sira rasik, iha 2014, JSMP fornese kursu Inglés gratuita ba pesoál sira ho kontratu profesór Inglés hosi li'ur durante fulan 6 nia laran.

Aleinde kapasitasaun ne'ebé JSMP internalmente fornese, pesoál JSMP sira mós partisipa iha treinamentu ne'ebé parseiru JSMP nian fornese mak hanesan “learning labs” hala’o hosi The Asia Foundation (TAF).

Advokasia mós nu'udar meiu importante ida hosi JSMP hodi bele buka influénsia, konvense no hetan apoiu hosi instituisaun no individu importante sira Estadu nian hodi bele atinje objetivu sira instituisaun nian partikularmente promosaun justisa no direitu umanu. Konsiente ho nesesidade instituisaun nian, iha 2014, JSMP apoiu pesoál responsavel iha advokasia no koordenadór unidade Outreach, Jose Moniz ba partisipa treinamentu iha Nepal ne'ebé hanaran Diplomacy Training Program (DTP).

Introdusaun

Diplomacy Training Program (DTP) ne'e estabelese iha 1989 husi eis-Prezidente Timor-Leste no Premiadu Nobel Paz, Dr. Jose Ramos Horta. DTP ne'e hanesan organizasaun naun govermental ida ne'ebé independente atu hasa'e no dudu asuntu direitu umanu, kapasita sosidade sivil iha nasaun sira iha Ásia Pasífiku liuhusi edukasaun ne'ebé iha kualidade, vokasaun/treinamentu no dezenvolvimentuabilidade. Kapasitasaun organizasaun naun govermentál sira inklui individu ka ema ne'ebé servisu ba asuntu direitu umanu *-human rights defender*, no hamutuk ho komunidade. DTP ne'e afilia ho Universidade New South Walles iha Australia, no agora dadaun DTP nia membru maizumenus ema 2.200 ba leten husi nasaun 30 resin.

Atividade

Foin dadaun hahu husi loron 3-19 Novembru 2014, DPT hamutuk Universidade New South Walles, FORUM Asia no INSEC-Informal Sector Service Centre realiza treinamentu ba 24



iha Nepal-Kathamendu kona-ba Diplomasia no Direitu Umanus ba *humanu rights defender-Defensor Direitu Umanu sira* husi Nasaun Asia Pasífiku. Partisipante ne'ebé mak partisipa iha treinamento ne'e hamutuk ema nain 31 husi nasaun 14 hanesan: Nepal, Australia, Timor Leste, Banglades, India, Dubai, Burma-Myanmar, Thailandia, Kambodia, Malasya, Indonezia, Pakistan, Korea do Sul no PNG-Papua New Gunea. Ho treinador sira hanesan: Prof. Jhon Page, Bijaya R. Gautam, Patric Earle, Josh Copper, Prof. Ranjana Thapa, Prof. Gopal Krishna, Prof. Virgina Dandan no Philip Chung.

Fornese Espasu no Kapasitasaun ba Estudante Universitáriu

JSMP iha 2014 fornese espasu ba estudante universitáriu fakuldade direitu hosi Universidade da Paz (UNPAZ) ida hodi halo estájiu durante fulan tolu hamutuk ho WCJU.

Objetivu hosi estájiu ne'e atu hasa'e kapasidade no koñesimentu estudante sira nian atu bele asesu ba merkadu servisu ka aplika iha Sentru Formasaun Judisiáriu atu sai juís, prokuradór, defensór públiku ka advogadu privadu.

Durante estájiu ne'e, estudante estajiáriu sira sei hakle'an tan nia matenek kona-ba Kódigu Penál no Prosesu Penál, nune'e mós lei relevante sira seluk. Aleinde, aprende mós kona-ba JSMP nia servisu rasik.

Fundu 2014

Iha 2014, JSMP hetan apoia finanseiru hosi doadór internasional lubuk ida ne'ebé iha komitmentu ba dezenvolvimentu demokrasia no sistema justisa iha Timor-Leste. Doadór sira ne'e mak hanesan Embaixada Finlandia, Counterpart International, TAF-AusAid, Embaixada Norwega, UNDEF no Embaixada Norwega-Bolsu Estudu.

Detallu hosi tabela tuir mai hatudu kona-ba fonte fundu nian, fundu 2014 no despeza ne'ebé halo iha 2014.

Nu.	Doadór	Osan tama	Osan sai
1	FINLAND EMBASSY	\$ 82,398.49	\$ 61,554.14
2	COUNTERPART INTERNATIONAL	\$ 7,465.99	\$ 5,176.61
3	TAF- AUSAID	\$ 189,667.06	\$ 176,400.06
4	NORWEGIAN EMBASSY	\$ 169,068.56	\$ 152,091.30
5	UNDEF	\$ 97,500.00	\$ 89,818.40
6	NORWEGIAN EMBASSY - SCHOLARSHIP	\$ 61,008.00	\$ 57,923.24
Total		\$ 607,108.10	\$ 542,963.75

Apoiu Naun-Finanseiru

JSMP iha 2014 hetan mós apoiu naun-finanseiru hosi Cruz Vermella Austrália ne'ebé fornese asesór legal voluntáriu ida.

JSMP mós halo kooperasaun ho Universidade New South Wales (UNSW) no Universidade Melbourne hetan mós apoiu estajiáru voluntáriu sira.

Atividade 2015

Iha tinan 2015, JSMP sei kontinua ninian atividade prinsipál sira hanesan monitorizasaun tribunál no Parlamentu Nasional. JSMP mós sei kontinua hasa'e kapasidade funzionáriu sira nian hodi kontribui ho di'ak liu tan ba implementasaun programa sira. JSMP mós kontinua hametin relasaun ho parseru sira iha nível nasional no Internasional.

Bazeia ba rezultadu hosi planu estratéjiku ne'ebé hala'o iha Outobru 2014 no komitmentu hosi doadór sira, JSMP sei kontinua hala'o ninian atividade prinsipál hanesan tuir mai ne'e:

Manajementu

- Kontinua halibur osan/*fundraising* hodi apoia kontinuasaun programa;
- Halo avaliaasaun ba dezempeñu staff;
- Revee planu estratéjiku JSMP no defini planu anuál ba kada programa;
- Identifika oportunidade hodi fó kapasitasaun ba staff;
- Hametin relasaun ho parseiru sira, inklui ONG sira, governu, autór tribunál no universidade;
- Hametin rede servisu ho organizasaun nasional no internasional iha nível nasional, regional no internasional.

Unidade Peskiza Jurídiku (LRU)

- Monitoriza kazu iha tribunál Distritál haat, inklui Tribunál Rekursu;
- Hala'o atividade treinamentu no diseminasaun informasaun kona-ba direitu umanu no asesu sistema justisa formál;
- Organiza semináriu nasional kona-ba justisa Timor-Leste;
- Prodús relatório anuál ba Observasaun Jerál Setór Justisa iha 2014;
- Kontinua halo advokasia ba submissaun JSMP-ALFeLa nian kona-ba alterasaun Kódigu Penál ba asuntu sira ne'ebé impaktu feto no labarik.

Unidade Justisa ba Feto (WJU)

- Lansa relatório kona-ba labarik iha justisa formál;
- Hala'o atividade ne'ebé iha ligasaun ho justisa labarik iha Timor-Leste;

- Monitoriza kazu sira ne'ebé mak envolve labarik no feto iha Tribunál Distritál no Tribunál Rekursu;
- Hala'o edukasaun legál ba feto no feto klosan sira kona-ba direitu umanu, violénsia bazeia ba jéneru;
- Hala'o treinamentu ba líder komunitáriu kona-ba direitu labarik no sistema justisa formál;
- Hala'o semináriu nasionál kona-ba protesaun direitu feto no sistema justisa formál;
- Hala'o advokasia ba kazu espesífiku balun hanesan inestu hodi halo reforma ba lei relevante.

Unidade Relasaun Públiku (Outreach)

- Organiza no disemina informasaun liuhosi mídia hanesan jornál, televizaun no rádiu;
- Mantein fahe informasaun liuhosi website no lista e-mail ba parseiru xave sira;
- Kontinua servisu hamutuk ho parseiru sira hanesan ANTI no Amnesty Internasional hodi kontinua halo advokasia ba violasaun direitu umanu iha pasadu;
- Prodús bulletin mensál kona-ba informasaun sira mai hosi rezultadu monitorizasaun iha tribunál no parlamentu hodi fahe ba parseru sira;
- Hala'o avaliaasaun ba JSMP ninian publikasaun sira hanesan hodi bele hadi'a liu tan mekanizmu fornesementu informasaun ba públiku.

Unidade Programa Observasaun Parlamentu (POP)

- Halo monitorizasaun ba atividade parlamentu iha sesaun plenaria, enkontru Komisaun A no fikalizasaun ba distritu;
- Publika informasaun kona-ba atividade no lala'ok Parlamentu Nasional ba públiku liuhosi mídia;
- Halo analiza ba lei sira ne'ebé mak prodús hosi Parlamentu Nasional hodi fo comentáriu no rekomendasau hodi hadi'a lei sira ne'e;
- Organiza semináriu nasional kona-ba demokrasia no prosesu halo lei;
- Hala'o treinamentu kona-ba demokrasia no partisipasaun públiku iha prosesu halo lei ba komunidade sira iha suku rurál sira.

Aneksu

Totál Suku no Eskola Sekundáriu ne'ebé JSMP realiza treinamento iha 2014

Data	Topiku	Fatin	Alvu/Benefisiariu	Partisipante		
				Feto	Mane	Total
23/01/2014	Justisa ba ema hotu	Suku Cassabauk, Sub - Distritu Suai, Distritu Covalima	Lider Komunitariu no membru Konsellu Suku	15	15	30
28/01/2014	Justisa ba ema hotu	Suku Lore 1, Sub - Distritu Lospalos, Distritu Lautem	Lider Komunitariu no membru Konsellu Suku	17	13	30
5/2/2014	Justisa ba ema hotu	Suku Raifun, Sub - Distritu Maliana, Distritu Bobonaro	Lider Komunitariu no membru Konsellu Suku	16	14	30
13/02/2014	Justisa ba ema hotu	Suku Tocoluli, Sub - Distritu Railaco, Distritu Ermera	Lider Komunitariu no membru Konsellu Suku	8	22	30
19/02/2014	Justisa ba ema hotu	Suku Loilubu, Sub - Distritu Vemasse, District Baucau	Lider Komunitariu no membru Konsellu Suku	20	10	30
25/02/2014	Justisa ba ema hotu	Suku Karaubalu, Sub - Distritu Viqueque, Distritu Viqueque	Lider Komunitariu no membru Konsellu Suku	10	20	30
15/05/2014	Justisa ba ema hotu	Suku Salele , Sub - Distritu Tilomar , Distritu Covalima	Estudante eskola sekundaria publiko	17	13	30
22/05/2014	Justisa ba ema hotu	Suku Dato Vila , Sub - Distritu , Distritu Liquica	Estudante eskola sekundaria publiko	15	16	31
28/05/2014	Justisa ba ema hotu	Suku Costa, Sub - Distritu Pante Makasar, Distritu Oe-Cusse	Estudante eskola sekundaria publiko	15	15	30
8/5/2014	Justisa ba ema hotu	Suku Raifu, Sub - Distritu Maliana, Distritu Bobonaro	Estudante eskola sekundaria publiko	18	12	30
7/8/2014	Justisa ba ema hotu	Suku Karau Ualu, Sub - Distritu Viqueque, Distritu Viqueque	Estudante eskola sekundaria publiko	13	17	30
29/05/2014	Justisa ba ema hotu	Suku Lete-foho , Sub - Distritu Lete-foho, Distritu Manu-fahi	Lider Komunitariu no membru Konsellu Suku	15	18	33

Data	Topiku	Fatin	Alvu/Benefisiariu	Partisipante		
				Feto	Mane	Total
26/06/2014	Justisa ba ema hotu	Suku Liurai, Sub - Distritu Maubesse, Distritu Aileu	Lider Komunitariu no membru Konsellu Suku	12	20	32
7/8/2014	Justisa ba ema hotu	Suku Souro , Sub - Distritu Lospalos , Distritu Lautem	Lider Komunitariu no membru Konsellu Suku	11	19	30
20/06/2014	Justisa ba ema hotu	Suku Ogues, Sub - Distritu, Distritu Covalima	Lider Komunitariu no membru Konsellu Suku	18	12	30
18/07/2014	Justisa ba ema hotu	Suku Osso-wala, Sub - Distritu Venilale, Distritu Baucau	Lider Komunitariu no membru Konsellu Suku	15	15	30
23/07/2014	Justisa ba ema hotu	Suku Dato, Sub - Distritu Liquica , Distritu Liquica	Lider Komunitariu no membru Konsellu Suku	20	10	30
6/7/2014	Justisa ba ema hotu	Suku Mau-ubo, Sub - Distritu Hatulia, Distritu Ermera	Lider Komunitariu no membru Konsellu Suku	22	8	30
3/10/2014	Justisa ba ema hotu	Suku Cassa, Sub - Distritu Ainaro, Distritu Ainaro	Lider Komunitariu no membru Konsellu Suku	19	11	30
16/10/2014	Justisa ba ema hotu	Suku Babulo, Sub - Distritu Same, Distritu Manu - fahi	Lider Komunitariu no membru Konsellu Suku	11	20	31
25/11/2014	Justisa ba ema hotu	Suku Lifau, Sub - Distritu Pante Makasar, Distritu Oe-Cusse	Lider Komunitariu no membru Konsellu Suku	15	15	30
15/05/2014	Demokrasia iha Timor-Leste no partisipasaun publiku iha prosesu halo lei	Suku Vatuboro, Sub - Distritu , Distritu Liquica	Lider Komunitariu no membru Konsellu Suku	15	15	30
29/05/2014	Demokrasia iha Timor-Leste no partisipasaun publiku iha prosesu halo lei	Suku Hola rua, Sub - Distritu Manu-fahi, Distritu Manufahi	Lider Komunitariu no membru Konsellu Suku	20	10	30
5/06/2014	Demokrasia iha Timor-Leste no partisipasaun publiku iha prosesu halo lei	Suku Maubesi, Sub - Distritu Maubesi, Distritu Ainaro	Lider Komunitariu no membru Konsellu Suku	1	29	30

Data	Topiku	Fatin	Alvu/Benefisiariu	Partisipante		
				Feto	Mane	Total
19/06/2014	Demokrasia iha Timor-Leste no partisipasaun publiku iha prosesu halo lei	Suku Lifau, Sub - Distritu Pante Makasar, Distritu Oe-Cusse	Lider Komunitariu no membru Konsellu Suku	16	14	30
4/07/2014	Demokrasia iha Timor-Leste no partisipasaun publiku iha prosesu halo lei	Suku Fatulia, Sub - Distritu Venilale, Distritu Baucau	Lider Komunitariu no membru Konsellu Suku	13	17	30
7/08/2014	Demokrasia iha Timor-Leste no partisipasaun publiku iha prosesu halo lei	Suku Ura-hou, Sub Distritu Hatulia, Distritu Ermera	Lider Komunitariu no membru Konsellu Suku	10	23	33
12 & 13/02/2014	Direitu feto, Lei Kontra VD & Kodigu Penal	Suku Ililai, Sub-distritu Lospalos, Distritu Lautem	Membru komunidade feto	30	0	30
11 & 12/06/2014	Direitu feto, Lei Kontra VD & Kodigu Penal	Suku Naimeco, Sub-distritu Pante Makasar, Distritu Oecusse	Membru komunidade feto	30	0	30
17 & 18/09/2014	Direitu feto, Lei Kontra VD & Kodigu Penal	Suku Trilolo, sub-distritu Baukau, Distritu Baukau	Membru komunidade feto	30	0	30
8 & 9/10/2014	Direitu feto, Lei Kontra VD & Kodigu Penal	Suku Sare, Sub-distritu Hatulia, Distritu Ermera	Membru komunidade feto	30	0	30
Total				517	423	940

JSMP nia vizaun

Sosiadade demokratiku ne'ebe garantia justisa no direitu umanu ba ema hotu.

JSMP nia misaun

JSMP sei servisu ho espiritu kolaborativu hodi promove no proteje demokrasia, lei, justisa no direitu umanu liu husi:

- Monitorizasaun
- Edukasaun legál, no
- Advokasia.



Servisu atu garantia justisa ba ema hotu